

دائرة مخصوصه

در سعادتده باب عالی جوارنده

محل اداره :

مستطابق

۱۳۲۶

اخطار :

مسلكمزه موافق آثار جديده مع المنوييه
قبول اولنور

درج اينده من آثار اعاده اولنور

ديره، فلسفه، علوم، حقوق، ادبياتده و سياسياتده و بالخاصه كرك سياسي و كرك اجتماعي و مدني احوال و مشوره اسلاميه و بحث ايدر و هفته ده بر نشر از انور.

آبونه بدلی

سنه لكي التي آيلني

ممالك عثمانیه ایچون	۸۰	۴۰	غروش
روسیه	»	۳۰۵	روبله
سائر ممالك اجنبيه	»	۹	فرانق

صاحب و مؤسساری :

ابوالعلا زين العابدين - ح . اشرف اديب

تاريخ تأسيسی

۱۰ تموز ۳۲۴

در سعادتده نسخه سی ۵۰ پاره در

قبراه دن مقوا بورو ايله كونه ريليرسه سنوي

۲۰ غروش فضا آلتير

عدد : ۸۱

۱۲ ربيع الاول ۳۲۸ پنجشنبه ۱۱ مارت ۳۲۵

در دنجی جلد

اوزره حکمت معیشت موافق بخش و تقسیم ایله دیکی نعم و آلاء الهیهیه متشکراً راضی و قانع اولوبده حکم منیف قرآنه امتثالاً اکل و شربده قساعتی، تجارت و صنعتده صدق و استقامتی، مکپال و میزنده حق و عدالتی، امورک کلیسنده اقتصاده رعایتی التزام ایدن فقیر اولورمی؟ اکر انسانیت و طنه محبت اقتضایدیور ایسه رسول اکرم صلی الله علیه و سلم افدیمز «حب الوطن من الایمان» بویورمش، وطن محبتی ده ایماندن جزء قیلمش در. دیمک که ایمان حب وطن ایله کمال بولپور. اویله یا! حب وطن سائقه سیله دکلیدرکه هر حال و حرکتی کتاب و سنته مخالف، داها دوغروسوی الله و رسولیله محارب اولان بر سلطان جائرک یرینه بر نهج شرع شریف احکام شرعییه انقیادی جمله یه فائق، مکارم اخلاقی اتمام ایچون مبعوث اولان پیغمبر منک نیابت و خلافتی لایق بر سلطان نصیر قائم اولدی. علم و حالیه بوتون عثمانیلرک حسیات صادقّه تعظیمکارانه لرینی جلب بویوردی «السلطان ظل الله فی الارض یاوی الیه کل مظلوم» حدیث عالیمی وصف شان معالیمی اولسون.

حب وطن سائقه سیله دکلیدرکه سیاستلری «انار بکم الاعلی» دیه جک مرتبه لره قدار واران مستبد بر حکمدارک افکار سخیفه سنه مامشات ایله اییله فئالق و فئالره ایلیک ایدن، شمندی «نسوا الله فانسیم» طردیله سجین نسیانده وقف خسران اولان ارکان استبدادک یرینه سیاستلری بزى دارالسلام سعادتیه دعوت ایدن اللهمزک امر و فرمانی وجه ایله عدل و احسان قواعدینه مراعات ایله حتی اظهار و مظلومی استظهار ایدن بر هیئت و کلا تشکیل قیلیندی. بهره دور معرفت و فضیلت اولانلر درجه استیمالرینه کوره ترفیه و تلطف ایدیله «هل یستوی الذین یعلمون والذین لا یعلمون» حکمی میدان آلدی. بو حالده وجود شریفی عالملره رحمت اولمق اوزره یارادیش اولان او سرنامه کتاب تکوین، حبیب ادیب رب العالمین «انا ولدت فی ارض الملك العادل» دیه نوشیروان کبی عدل ایله معروف بر حکمدارک عهد سلطنتنده عالم ناسوتی تشریف بویوردق لرنندن دولایی افتخار بویورور ایسه بز نصل اولورده خیره فطرتی تعظیم لامرالله و شفقت علی خلق الله ایله تخمیر اولونمش اولان سوکیلی پادشاهمزک عهد هایونلرینه ادراک ایتدی کمزردن دولایی افتخار ایتیز؟

نه موطلو او پادشاهه که «عدل ساعة خیر من عبادة ستین سنة» حدیث عالیمی پیشگاه تجیهه آلوب اجرای عدالت ایدر.

نه موطلو او پادشاهک و کلا و زراسنه که پادشاهلری نک فرمان عدالتی حقیله یرینه کتیروب «المقظون عند الله علی منابر من نور...» حدیث شریفک ماصدقنه مظهر اولور.

حب وطن سائقه سیله دکلیدرکه، اخوت و مخادنتلری یکدیگرلری ایچون یک قیمتدار اولان عنصر مختلفه بالامتزاج عروء و نقای اتحاده صاریلدی. وحدت مایته تأسس، عسکرک تجمل ایتدی. اویله که ملت آرتق عسکرینک، اعدانک دخی مظهر شهادتی اولان فضائی سایه سنده هر وقت نشئه غالبیته شاد و خندان اولابیلیر.

اوت! «فلاتخشوا الناس و اخشون» فرمان جلالتیله عروق شجاعتی تحریک اولونمش بر عسکر الله دن باشقه کیمدن قورقار؟ مخافة الله ایله مالی

و بر معالی اولان بر قلبه دشمن قورقوسی کیرمه یه محل بولابیلیرمی؟ «ان ینصرکم الله فلا غالب لکم» مژده غالبیتی ذاتاً آلمش اولان بر اردو نصرت الهیه سیله «یولوکم الادبار» حکم منیفی نک تجلیسنه انتظاراً صف حربده بنیان مرصوص کبی صبر و ثبات ایدرده قارشینسه چیقان دشمن یوزچور بونده عاقبت «این المفر!» ندای مأیوسانه سیله عارف راری ارتکاب ایتیزمی؟

جنود محبذة ملائکه ایله تقویه ایدیش بر اردو دشمنک هر درلو لوازم حربیه سنک مکملیتنه رغماً اعلائی کلمة اللدن چکینیرمی؟ الله یولنده و ملتک سلامت و سعادتی اوغرنده فدای جانک مکافاتی مشاهدۀ لقای یزدان اولدیغنه معتقد اولان بر عسکر وصول ملاء اعلا ایچون رتبه شهادتی احراز دجان آتمازمی، مشتاقنه قاووشمازمی؟ یانصرت و یاشهادت کبی ایکی حسنه نک برینه انتظار ایدن بر جند الهی، شانتی توقیر ایچون کندیسنی میت دیمکدن منع ایدن بر دین اوغرنه ترک کار و بار حیات ایدوبده حسیات جاودانی یه مظهر اولمق اشتیاقنده بولونمازمی؟

ایستر غالب، ایستر مغلوب اولسون اجر عظیمه نائل اولاجغنی بیلن بر اردو کندی قتلنه و دشمنک کثرتنه باقوبده فریضه جهاددن اعراض ایدرمی؟

اگر بر اردونک مظفرتی اک زیاده تأمین ایده جک معنویات ایسه تعلیم و تعلمی انجق کندیلرینی دشمنک مریمسنه هدف ایتکدن عبارت اولان عثمانلی اردوسنک فوقنده بر اردو اولاماز. عثمانلر اردوسنک فضائل عسکریه سنی تتویج ایدن بر شرط واردرکه اوده:

«وان جنحو الاسلام فاجنح لها» آیت کریمه سنده تصریح بویور مشدر. دشمنلر من صاح و سلمه میل ایدر لرسه بزده ایدر یز شوکال کرمی ایله وقوع بولان حرب حاضر لقر من بر فکر تجاوز کارانه ایله اولما یوب محضا ادامه صالح و صلاح ایچون در.

کندیسی اوزرینه علویت تصور اولونا مایه جق درجه ده علوی بروضع ربانی اولان دین اسلامی احاطه ایده من عقل، عقلی در؟ والسلام علی من اتبع الهدی. مکتب بحریه معلملرندن بیکیباشی

صالح احسان



اجتهاد مقاله لرینه دائر بیان الحق رساله محترمه سنه

کوندریلان تنقیده جواب: [*]

نه دینلیرسه دینلسون شمندی و شمندی یه قدر علمامز حقدنه

[*] فاضل ستوده شیم قرانلی حلیم ثابت افندی برادر من؛ اجتهاده دائر اولان مقاله لرنده کی مقاصد خیر خواهانه یه حقیله نفوذ ایدیله مامش اولسندن طولایی حقلرنده روا کوریلان تعریضاتک هر فقره سنه بومقاله لرنده یکان یکان جواب و بریورلر. محترم بیان الحق رفیق مزجه دخی اشارت اولندیغنی وجهله شو صرالرده بوزمینده مناقشه منافع معززه اسلامییه منزه موافق کوریله مدیکندن مقاله نک بالکمز مقصد محرری تبیینه مدار اولان قسمنک درجیله بالا کشفاء اقسام سائر نه نک نشرندن صرف نظر اولمشدر. محرر فاضله عرض اعتذار ایدرز. صراط مستقیم

شملت نخبه اسلامیة نك مادةً ومعناً ترقی و تعالی سیدر . ایشته بو ،
بنم ایچون غایه املدر ، ایشته بو ، بنم ایچون مقصد اقصا در . نه یازار
ایسه هب بونکچون یازارم ، نه سویلر ایسه هب بونکچون سویلرم .
وبونکچون چالیشیرم .

قزانی حلیم ثابت

عالم اسلام

انکلتزده تشبثات اسلامیة

۱۵ شباط رومی تاریخی مکتوب کز ایله برلکده اسلامیت حقدن کی
انکلتزجه محرر اثر معلوم قدیمک طبی ایچون طوبلانیلان اعانه
حواله نامه سی کلدی . اوتوز بش انکلتز لیرالق حواله نامه پوسته دن
آلندی . بو اثرک مصارف طبیه سنک اقلی آلتش اعظمی یتش
استرلین لیراسی تخمین ایدلشیدی . اولج، بوراده کندی آره مزده
طوبلانیلان و بعض انکلتز دوستلر مزدن آلان اعانه اچمه سی ایله
صباح جریده معتبره سنک جمع ایلش اولدینی بیک کسور غروش
الده کی وارداتک مقدارینی قرق بش لیرایه ابلاغ ایلش ایدی .

اوده کی یازارلق چوق کره چارشی به اویماق معلوم برحال اولدیغدن
مصارف نغمه نك حد اعظمی یتش لیرا حساب ایتدی کمزده یکر می
بش لیرایه ده احتیاج کورینوردی . صراط مستقیم اداره سی طرفندن
ارسال اولنان اچقه دن بو یکر می بش لیرا تفریق اولته رق واردات
طبییه اکال ایددی ؛ نته کیم ملفوفدن منضم اولور . بر لیراسی
دخی پوسته پولی ، تعهد ، ماکنه ایله تعمیم قلقلو محبارات یازدی رmq ،
آچه فرقی ، بانکه اجرتی کی مصارف ایله تقابل ایتدکن صوکره
باقی طوقوز لیرا قالمشدرکه بانکده امانه محفوظدر . بوندن ایکی آی
قدر اول (صباح) ده نشر اولنان بر مکتوب بدمه کی طلب عاجزانم
اوزرینه (صراط مستقیم) اداره سنک جمع اعانه ماده سنی بر شوق
خیر خواهانه ایله درعه ده ایلش اولسندن طولانی نه قدر متشکر
اولسه م آذر . استانبولدن وطشردن بونجه وطنداشلمک مذکور
امر خیر خصوصنده عرض معاونه همت ایلری ایسه جداً و حقیقتاً
موجب سرور و مباحات اولمشدر . مقدما صباحده « لوندرده بر
مسجد انشاسی » تصویرینه دائر یازدیغ مقاله ده دخی ذکر اولدینی
وجهله یاش غروش ویا یوز غروش ویرن اصحاب خیرک نیتی غل
ذاتیدن ، هوس خودکامانه دن کلیاً عاریدر ، فی سبیل الله در ؛ غیر تکرنده
کوریلن نشانه جوانمردانه ایسه استقبالده خلتمزک بیوک ایشلر ده بیوک
همتار کوستره جکری حقدن کی امید تقویه ایلر .

شیمدی باقی قالان طوقوز لیرا واعانه دفتری قبانقدن صوکره
ارسالی وعد بویوریلان چند لیرا ایله نه یاپیله جنی ماده سنی تذکر ایدم :
یدعاجزانه مده کی طوقوز لیرا ایله ارسالی موعود اولان چند لیرای
تنسیب اولنه بیله جک امر خیره اعطایه حاضریم . شو قدرکه دور

اولان فکرم او سرکزده در . اجتهاده دائر یازدیغ مقاله لرده بر دلایه
استناد ایتیمکسزین صدای وجدانیمک خلافتده برکله اولسون صرف
ایتمکه چالیشدم .

بروقتر اسلامیت اوج بالای ترقیه صعود ایتش ایکن ، صوکره
بتون معقولیتنه وبتون شرائط حیاتییه جامعیته رغماً مادی و معنوی
بر انحطاطه معروض قالمسندده مغلوبیت سیاسیهدن باشقه ، علمانک
سویه علمیلرینک تدنیسییه ، غایه املرینک اونودیلش اولماسنک ده
بیوک بر تأثیری اولمشدر دیه دوشنیورم . اجتهاده دائر یازیلان
مقاله لرده بر تفصیل عرض ایدلدیکی وجهله بن بو نتیجه لری احوال
ماضیه واحوال حالیه مزدن استدلال ایدیورم .

بو استدلال قابوسی هرکس ایچون آچقددر . هرکس بو بایده
فکرینک عقانک ایردیکی قدر دوشونه بیایر . تاریخی کیزلمک هیچ
برکسه نك النده دکدر . آنی بز نه قدر کیزلمکه چالیشر ایسه کده ،
او . بوکون ، یارین هر حالده میدانه چیقاچقددر .

بالعموم فنالقلرک میدانه چیقماسنده برأس اولمامقدن باشقه پک
چوق فوائد دخی مامولدر . بر مرض بیانوب تشخیص ایدیلدیجه
تداوی اولنه ماز . بر فنانلی ، بر مرضی کیزلمکه چالیشمق اوکا رضا
دیمکدر . هرکس کندی حسابنه بونی پایه بیلیر . فقط عمومه تعلق
ایدن بویله مسئله ده بر کشینک ، حتی بر جمیتمک بیله اونی ، اوخسته لنی
کیزلمکه ذره قدر حق یوقدر .

بز کندی خسته لقلری میزی ، کندی قصور لر میزی دشمنلر میز
یوز مزه اورمه دن بالذات کندی کشف و تشخیص ایدره ک چاره سنه
باقالیز . فنالق ، مرض اوله کیزلمکه ، انکار ایدیلکله ، مثلاً ...
« واقعه مطابق دکدر ... » دیمکه یتش ، تداوی ایدیلش اولماز .
کونش کبی میدانده طوران بر حقیقت مجرد « واقعه مطابق دکدر »
سوزیله ستر ایدیله مز .

اوندن ، اوخسته لقلردن قورتیله بیلمک ایچون مطلقاً اوخسته لقلری ،
صوک درجه دقله تشخیص لازمدر ، ایشته بوندن صوکره تداوی
ایچون صرف مساعی لیدیلور . بن بو حقیقته کندی حصه مه اوله رق
ایمان ایدیورم .

ایشته بوندن طولانی عاجزان فقط بر دوست صفتیله ، خیر
یالکیز دوست صفتیله دکل ، بلکه پک صمیمی ، پک خیر خواه
برقداش صفتیله اوتهدن برو ارتکاب ایدیلن یا کلسلقلری فکرمک
ایردیکی قدر تتبع ایدره ک میدانه وضع ایتک ایتیورم . بونی کندی مچون
بر مقدس وظیفه بیلیرم . آنکچون بتون عالم بونی انکار ایتمه کالقیشسه
نجه ذره قدر موجب فتور اولماز . بلکه بالعکس مقصده طوغر وایلرله مک
ایچون قوتم ، نشاطم آرتار . ذاتاً حقیقتلرک آچی کلدیکنی بیایرم . آنکچون
حقیقتی خاصة منفعت عامه ، منفعت اسلامییه یی محافظه و مدافعه یه وسم
یتدیکی مرتبه چالیشیر ایکن بر قاج کیمسه نك بویولده کی مساعیدن جانلری
صیقلش اولسندده ذره قدر اهمیت ویرمام ، بتون عالمک رضاسی ایچون حقیقتک
ذره قدر فداسنی آرزو ایتیم . دنیا ده یکانه امل ، بتون دوشونجه م